

CAROLVS CLVSIVS

IPANNONIBVS

rei herbariæ studiosis.



VM Stirpiū, quas his proximè elapsis annis, cum in Pannonia parte, tum in Austria, & vicinis quibusdam Prouinciis obseruauī, Historiam describerem: summa etiam mihi cura fuit, ut earum facultates (quantum quidem licuit) ab earum incolis, tum etiam vulgaria nomina perdiscerem. Verum cum earum duntaxat stirpium historiam describendam sumsissem, qua hactenus à nemine obseruata sunt, vel si sint, nequaquam tamē, aut saltem negligenter sunt descriptæ: pauca fuerunt quarū vel facultates, vel nomina intelligere potuerim.

Consultius itaq. visum est, alias etiam stirpes quæ in Pannonia nascuntur, colligere, earumq. vulgaria nomina perscrutari, ut vobis hac in re, quàm maximè possem, gratificarer. Non defuerunt sanè qui meum hunc laborem iuarent: sed omnium maximè doctissimus vir Dn. Stephanus Beythe, Dinini verbi præco apud Illustrem Heroem Dominum Balthasarem de Batthyay, in ipsius urbe Ne-methwywar, qui maximam horum Vngarico-

rum nominum partem, pro suo cādore, me edo-
cuit, dum aliquoties ad perquirendas variis lo-
cis plāt. as simul egressi sumus. Huic igitur vos
accepta referre par est, quæ hoc Indice vobis
propono Vngarica stirpium nomina.

CETERVM, quoniam pleræque stirpes su-
persunt, quarum vulgarem appellationem ne-
que ab eo, neque à quoquam alio intelligere li-
cuit: quotquot Pannonæ in meam Stirpiū hi-
storiam, vel hunc Nomenclatorem incident,
oro, ut herbarium hoc studium, quantū in ipsis
est, promouere apud suos contendant, reliquas-
que stirpes veris Vngaricis nominibus donare
non grauentur: & sicubi in iis, quæ illis hęc
proponimus, recte exprimendis hallucinatum
est, errores benignè corrigere, de iis nos commo-
nes facere, nostros conatus iuuare, nostrumq; il-
lis gratificandi propensum studium & volun-
tatem boni consulere velint. Valete. Vienna
Cal. Ianuarij anno reparata Salutis huma-
næ CIO. IO. LXXXIII.

Admonendus verò Lector est, in Vngaricis vo-
cabulis,

i. } subsequente(y.) tanquam {ll. } apud Hispanos,
n. } {ñ. }
o autem (quemadmodum & apud Germanos) veluti e-
fere pronuntiandum: & cz, vt z.

† 2

STIRP-